



KOMUNIKADO PA PRENSA

Fecha
9 di febrüari 2017

Accountmanager di Komunikashon
Jhanirha Da Costa Gomez

Email
jhanirha.anita@gobiernu.cw

Eksitoso training i teambuilding pa personal di Servisio pa Tráfiko i Transporte

Willemstad - Resientemente empleadonan di Servisio pa Tráfiko i Transporte (UO-VV) a risibí un training ekstenso pa halsa nan konosementu i abilidat riba 3 aspekto importante: 1) pa por duna servisio na kliente, 2) pa por funshoná na un manera íntegro, i 3) pa duna otro feedback na un manera korekto.

Tur dia e ámtenarnan di e servisio aki ta atendé ku un grupo grandi di klientela. Pa e motibu aki, ta sumamente importante pa nan ta bon ekipá ku tur e abilidatnan nesesario pa yuda tur kliente na un manera íntegro i tambe ku e kliente ta keda satisfecho.

UO-VV ta forma parti di Ministerio di Tráfiko, Transporte i Planifikashon Urbano (VVRP), kual ta bou di responsabilidad di Minister Camelia-Römer, i ta e servisio di Gobièrnu responsabel pa entre otro: kùrmentu di vehíkulonán motorisá, atministrashon di informashon di vehíkulonán, duna pèrmit pa transporte públiko, i hopi mas.

E training aki ta parti di un plan pa desaroyo di e personal di UO-VV.